

福全蔣氏宗譜

原字行

天彩壽山麗

人才福海生

子孫昭孝悌

法祖尚丕前

啟用新行

承先綏駿逸

昌嗣啟鴻圖

世澤貽宏業

家聲振遠猷

裔孫申智重校抄錄

譜皮已破重訂

譜皮已破重訂

福全蔣氏宗譜世序

始祖壽州公諱

世

授官福全守禦千戶所正千戶洪武二十五年壬申致仕生三

子長洪謚公世襲正千戶次子三子俱歸鳳陽洪謚公生三子長承燾公世襲正

千戶次子徙居惠安三子徙居同安時洪武間以功臣之子孫應襲本職者仍
在衛所世襲其餘各官舍或徙都邑監軍立為軍籍不與官籍之例洪謚公

第二子籍貫惠安第三子籍貫同安皆係官舍出外邑監軍也

環

考惠安

縣崇武大岞峰山等處共十三鄉姓蔣者皆洪謚公次子之子孫也考同安縣
及漳平澳頭義昭等處姓蔣者皆洪謚公三子之子孫也惠安同安與我

同二世祖皆係本支奇樹蔣者成化年間方來泉按原籍徽州歙縣人

也環

按壽州宗譜奇樹蔣乃成公之弟支派也按廣西桂林府全州有姓

蔣者人丁二千餘乃永贈公之第二子所傳也時為州守遂籍是州於天

啟年間京師會一姓蔣者

諱

鳴陽乃廣西全州人與我同登壬戌科進士籍

其昭穆乃姪輩也

鳴陽

又按晉江西街有姓蔣者乃我四世祖政德公血脉也政

德公有一女婢配吳姓嫁一月而生男子吳姓以子還政德公令撫育長成

我家以婢嫁出後生不許歸宗至其子登第方許歸宗與祭立之宗序使吾
家子孫知支葉原本世序不紊云耳
十世孫德璟謹誌

福全在泉州晉江東南偏十里大海之隕洪武廿年丁卯江夏侯周德
興始築所置千戶環初祖莊以功超武德將軍千戶所正千戶守禦又五世
祖當天順癸未千戶祖伯輔始即正寢東建家廟坐乾向巽面際洪濤左
環百雉右仰元龍印石浮前鳳簪峙後規制特為仇敵距今百六十年餘已
矣環祖母旌節吳太恭人暨觀察九觀府君屢議脩而木巨梓難易天
啟壬戌環初入翰林旋奉諱歸祖母命環曰汝父志也勿復緩乙丑遂構堂
寢新之凡用杉百四十株其巨者叔千戶學深舊購得六兄瑄得三積穀
模以待故易為力凡用瓦礫銅磚二萬二千有奇竹籐皮鐵灰油稱是
凡用梓工四百八十二巧工百有十八勝工五十有四小工二百五十費可百三
十金環括筭僅百金釀三十金佐焉自堂祖基為廂房為廳事

為方臺為廟門樹坊周垣繚之葺舊而已既成弟環復舉進士於是

小子環諷四月庚辰大合族眾奉始祖妣八廟以列祖有功德者祔而觀察

府君與焉餘悉祧其嚴云時宗子德榜襲職入京環支子也於禮當干祫

爾乃受胙旅酬颺告于族曰吾蔣宜廟者四廟之興焉吉會三子孫

宜保者五古廟制天子七諸侯五大夫三皆祖及太祖諸侯太祖始封也大

夫太祖始爵也故百世不祧吾祖自壽州始爵于泉一宜廟古鄉大夫

皆世官有采地圭田今無矣其初皆緣庶人起其後不免以庶人終故宋

子祠堂之制諸不得廟作室以祀曰祠本廟因之著在會典千戶雖

武得從公侯後世官世祿於古子男也二宜廟禮祖有功宗有德吾祖

從高皇帝舉義旗渡江勛定天下世有武功鎮佑茲土及先觀察用文

顯有德於交黎甚大生祠設碑俎豆凡編三宜廟程子言宗子無法則

朝廷無世官然無世臣則亦無宗子雖宗法亦不靈今宗子世其官得行

官法以尊朝廷四宜廟五世而建十世而脩建者生申脩者亦生申一也建

天順脩天啟二也建而瓜瓞始肇脩而泥金荐至俾余祖母吳以百歲太

君坐觀子孫會之通籍於朝三也三者可謂吉矣宜廟則廟不已廟而吉則廟尤不可已保之在子孫於是以約約申族衆曰核祭田守祭器謹祭日恪祭儀奉宗法宗法即國法也高皇帝酌周禮三物八刑之旨而為六諭曰孝順父母尊敬長上和睦鄉里教訓子孫各安生理毋作非為大哉王言建天地而質鬼神真蔣氏世守宗法也慎保哉於以歌孔惠孔時勿替引之詩以交勗而退工始於乙丑正月初六日告竣三月念九日董其役者叔學瀾也又七年環特節封藩便道歸省合族于廟始為記
崇禎辛未中秋

十世孫德璟記

肇封福全功次遵依兵部黃冊

始祖諱

旺公

直隸鳳陽府壽州縣延壽鄉人甲午二月於梁縣周李二總

管歸附從軍七月從克滁州乙未閏正月陳也先犯和州祖從諸將復和

州五月攻打三江口水寨擒也先六月朔從自和陽渡江克采石攻下太平娶

州丙申二月

祖從攻破中丞水寨三月三日攻破陳

兆先

營寨擒

兆先

十月克

南臺十七日克鎮江四月沒克金壇守禦漂陽丁酉三月從克宜興守

禦戊戌十二月沒克婺州己亥正月沒克諸暨二月征進衢州九月克之

十二月克處州庚子二月取回守禦婺州三月沒克信州閏五月陳

友諒

犯龍

江調回守

江峽癸卯四月千戶周李選克百戶孫敬下總旗六月祖前往寶慶聽調

十月隨叅政征進寶慶丙午祖回守益陽八月隨本衛指揮胡攻克紫良

崖等處 吳元年丁未十一月祖沒征進廣西克永州等處城池洪武三年庚

戌十一月祖沒總兵官征進湖廣茅岡殺直靈蓉四年辛亥四月沒指揮湖

海得政克雲飛寨尋沒總兵官攻打五開銅關鉄寨等處六年癸丑調

撥武岡等寨總旗九年丙辰十月初二日欽除福建興化衛前所百戶當年

調應天衛把都千戶所百千戶十年丁巳授祖冬字二百五十二號世襲勅授承

信較尉十三年庚申三月掌領旅軍一百廿名調撥鳳陽衛右千戶所十六

年癸亥為點大軍事十七年甲子沒總兵官定遠侯王弼到畢山會大總

兵宋國公馮勝討訥哈本月十日調撥朱指揮前哨取金山直至密河

等處回還山海衛當月隨征西永昌侯藍玉前征太寧操練九月
廿六日取回赴京十二月初一日欽依復職除福建寧衛前所百戶二十二年
己巳九月隨總兵官王征進興寧長樂等處廿三年庚午正月回衛廿十五
年壬申老疾致仕祖初名^吳授官時朝見上曰旺好遂謝恩而單名^旺其後子
孫文武之盛為閩諸世弁冠冕識者以聖語為佳識云

按祖自甲午至壬申致仕凡三十九年又三年乙亥而諧進正千戶本年潤九月全正到福全所任

宗派世襲官蹟

公自壬申授職至丁酉致仕在官凡二十有六年所娶高氏則鳳陽人也戊辰正月生子勇於建寧衛之前所又七年陞授正千戶移鎮福全所大約享年近六十

二代祖^正洪武廿五年壬申四月替父職襲建寧衛前所百戶六年癸酉八月將

原授冬字二百五十二號 誥命換授奎字六百七十七號封贈世襲 誥命授

昭毅尉二十六年乙亥五月大賚天下武臣欽取年深官員赴京八月初三日

兵部具奏欽陞福建都司永寧衛福全守禦千戶所正千戶封贈世襲

誥命授武節將軍驍騎尉本年閏九月十三日到任將原授奎字六

百七十七號誥命一道繳訖 永樂十五年丁酉老疾致仕舊云是年四月

十三日卒于淮上高宜人火骸歸墓嘉靖甲子^{光宗}七歲中元陪祭^{沂泉公}因

擲筊曰吾家世受易此兒亦習易能發科否筊弗允而巫者曰怪哉中書

經魁成進士也群笑之沂泉公固命習易及長乃改書果成進士竟如所

祈云 公祠廟極靈異鄉人官

即陳紹功也

以府佐罷歸侮公像適家有馬人

孟胤即字平声

寄祠堂中外庭

勤

夜使人將公像縛置馬背策之馳欲碎壞之

馬孟胤大驚焉若有神解只一馬背像馳城中未幾馬依舊入祠庭中公像如生無有一壞者焉

三代祖

勇

永樂十六年戊戌七月襲正千戶到任會考軍政掌所印操屯

捕宣德六年辛亥七月病故公八歲沒父移封鎮居福全

四代祖

玉號

即長房開基祖

宣德七年壬子十月襲正千戶到任會考軍政掌所

印務正統三年戊午三月病故

五代祖

彌

號樂菴公正統五年庚申九月襲正千戶到任掌考軍政掌本

所印屯正統八年增築本所四門敵樓臺最稱完固是年脩福建通

誌載公政蹟泉州府舊誌同成化十一年乙未致仕凡管軍事三十

六年有威惠軍民塑像立祠祀迎恩門外萬曆十八年庚寅祠紀移像於

洪謐公祠中今像祀於祠堂之右公承累世之業建居第宅造家廟置

田業脩祭器飭威儀規模宏闊嘗偕劉指揮諱亮築敵樓有功民社奉

委督造布政司稱才幹弁也惟誤聽術家言曰白虎方閑即指元龍山也聖廟山

石高峙奇敞故洪謐公有詔獄之逮遂將石剷除三分之二地理家惋惜

焉公來福全可四世家中咸官話舉動必以禮儼若有司然

六世祖元啟公成化十三年丁酉二月襲正千戶到任六考軍政掌所掌印

務凡四十餘年正德十六年辛巳致仕公有文行少為書生與泉諸名公友

善蔡文莊公諱清溫中書諱良黃右通政諱河清李叅政諱汝嘉黃知肇

慶府諱璣相友善叅政肇慶二公並以朋誼締姻李以女字廷譽黃以女字

廷畏時詣福全相訪題詩東軒公脩族譜蔡祭酒作序溫舍人書焉

既成祠堂脩洪謐公祠以俸資整軍器完城堞軍民信愛泉郡葉

推府造公祠堂中飲宴設兵至夜分留題祠壁通誌府誌並載厥名衛

所繩武弁之賢胥以蔣慎菴公為冠免云有叅將某甲子股鐫削海上

激變兵志欲甘心焉所軍亦以都司叅將巡海需索罔計繼幾致狼狽

公詣海上為散解其囂權給糧糈咄嗟事平叅將拜服而去公出

俸資補散至三百金大興土木脩整城北員覺菴特建中壇月臺
甬道中出四壁大書祝聖壇場以奉龍牌福全所歲節習儀於迎恩門
外即西門也開山寺延壽寺歲久傾圯且門徑左轉陞廷等夷兼龍牌出城未
稱敬尊之典申請移於城北員覺菴特建中壇月臺甬路道中出四壁大書
祝聖壇場

七代祖繼實公嘉靖元年壬午十月襲正千戶到任掌本所印兩院兼
出海捕倭盜帶活銅遊兵把總管所事撫軍士以恩凡出汛者加例倍卹
兵卒用勸於是戶侯閩君恭陳君慶率閩所人民勒碑懷恩撰文者
黃公澄也其讚曰偉哉君侯引茲德惠為山九仞功在一簣林林貌貅
始終用慰公少負異才為府諸生物色俞武襄大猷以兄事焉騎
射精妙頗長於海戰能著釘靴繞哨船欄外步走如飛一夕乘賊酋李文
信擁妾姬酣宴公駕桴突至計擒之衆咸失色遂并其妻妹生縛入所
急足報捷會當道攘其功不已仍督解賊賊番貨同官收如復謀其
與首妹結為兄弟受珍珠一斗金一甕薔薇露萬觔公恚甚首送

之登艇自脫去公亦弗更得之也或有孽公留酋妹數日陰挾質于者當望益奢公憤恨不應落職聽勘久乃悉輸所獲於酋者分遺諸當

道者再復職而公不能無後言矣都督侯公諱國弼嘗云習靜以計擒李文信却走林鳳諸酋此異才也其高見在諸賊船貨物都

不足屬意謹牽厥饒藝二船以歸賊酋鈎舡迎擊公將兩船發器飛

射鎗碎賊脚無站處彼船漸重我船漸輕而生受縛矣公得酋貨散

給兵軍用命者殊弗甚惜可謂一時名將惟性耽聲色戰勝而扶奠妹

擊暹邏銅鼓列陳進城自無全軀保家之弁蓋解厥考慎菴公之恭

恪而啟廼子龍谷之狼傲居恒數文官不盡武官之才連拂初志惜哉公

有知人之鑒所交遊咸名士大夫陳尚書我渡公微時從父北沙公光即挾

術家言至福全公見北沙即曰先生匪常人也留共飯北沙舉七屬有所遲

公叩之答曰小兒擔囊未早餐耳公遽出視曰先生所以貴者此兒爾双

眸如電台輔器也即許婚以妹久而妹之母曰而乃以若妹字術家子耶公

曰妹福菲遂詣陳我渡讀書處在山川壇以宗弟繼倫之女女焉鉢山公為釐粧

以嬪其年陳以科儒食餼聯第後官至尚書封一品夫人白首相莊尚書至孝老
每話嘗歎服云公善用兵嘗別將衆捕倭擒大酋吳平破走林鳳諸賊帥以雄傑顯

其名子以始議以五行相生為序有女適河南右叅政王慎中封淑人

八代祖

鏡

公嘉靖間襲正千戶公少敏慧補府諸生弄文墨頌酒色飾紈袴

行楷圓健有趙體不以武弁自畫也既襲職考掌印屯捕尋改考掌

崇武所印軍門召為總督中軍贊函尋棄去浙江軍門督府留之

云是湖海
林愈虛江

奉差回闕見府公不屈禮也本所軍某海中網一宋硯公心欲之軍出不

遜語會軍妻坐事對簿

時小產
未曾愈

公賜之軍弗醫視其斃以為奇貨是時

郡守熊公

汝達

齟齬王少卿而少卿之兄遵岩先生公妹倩也嘗忿倭寇之

橫守師狎報寧靖屢有札刺守時請文於王又不應因脩却公示意軍人

告驗賴浙當道為解公亦旋入浙矣迨差回興抗禮熊憤且媿復竟前

事令勘原官屯印時收放銀米積分釐至四百兩以侵欺還海錢糧罪

革爵於是拘公鎮撫司中兩道廉俱寃狀惟太守領之弗釋也遵岩為晤兩

道意薄責示懲以殺守忿而忿起聞答狠傲太叱云生平不耐答教疇意今者

勝讀十年書熊復親立門促行杖者加力焉公出俗以為創重將人溺可療

公瞑目視太守益恨食酒肉揮色遂病創斃撫獄中熊守日夜差劉經
厯諱志義號碧潭湖廣松滋人永宣衛經歷全民感之嘉靖戊午孟冬
為像像監碑祀之追銀米納贖劉心寬之而熊亦中悔鉢山公時亦公已沒乃糾
族人捐補而自捐金三百於是祖職無改吾家夙傳云千戶一人之身耳孫子
均身之者也龍谷公以前每閱領俸鈔分贍各房襲職者靡毫文私焉
印山公後遂廢矣朔望香燈子孫展謁宗子供茶歲首偕體把盞仰
慎公猶行之今并廢矣

代祖鑑公

嘉靖四十三年甲子六月襲兄職正千戶到任萬曆十年壬午正月致

仕公丹嬰父兄之難而能侮以自全初時以為長者既襲職掌印屯終日仰屋

片籌莫展惟中火酒鹹酒味拚一生耳偶丁倭寇圍城委鉢山公盤石公與

沂泉公寢飯雉堞城上城墻之與軍無諱言上獎而不加勸下凌而不加忤

俸鈔閱支到手便罔措置緣過數日依然窮約術者以其祿命破財印是耶

否耶續娶許氏

妻也

族人不指為繼適姑夫陳尚書公曰異日本主漫俗填

云新奶可也於是族呼印山公及許氏曰細伯細姆云耳公為忤者所侮嘗

病眼未老而鬚髮皓如不加黛染海防廳署考有目昏髮皓之語喬
如巡道懋敬憐其拙守特獎曰睥雖瞶而心甚晰髮早碧而年尚壯宗

耆曰吾家自壽州封閩世爵善職為諸弁冠至公猥庸末年值所
中有豪舉裒許我公幾弗振賴有姑夫陳尚書又乙酉九觀公舉於京公
子有資頗克迪前人之光此祖宗之靈庇也不然龍各印山二公豈非後
昆殷鑒哉

九代祖學深公萬曆十年壬午六月襲正千戶到任公生而有兄自分非
冠蓋中人讀書僅識字性伎倆能雕船射鳥鈎魚鬱花木曉痘疹
及襲職出京時姑夫陳我渡公方任兵部左侍郎督陵江愛其偉貌膂力
為之推祿命解撫薊遼時寶劔贈之并衣以紅袍二襲曰勉旃武
學乃祖慎菴公當號曰仰慎具資之深則左右逢源其字曰有資兵部
為移咨軍門召中軍初考操捕墩陸再考印屯屢蒙院獎每入操必整
齊器械陳法身習射九箭皆中按臺考試署曰材冠泉永二衛列
上上惟推而少文喜作移花石不屑弥縫纖趨以是居身通塞間然當公世

兄弟甲第儼焉紳宦匪復蚪注決拾侶矣公饒臂力石四夫擡不起公
兩手提而置之戊子五月夜半海上喧喊賊至公提刀登城賊遁去丙辰賊

素振

駕筏海上登岬禮神如入無人之境嘗破大金等所至福全公適

為督糧廳所召留難數日聞報徑馳歸鼓角上城堞賊觴輒颺遁去

兵道詹士龍某即時飛獎糧廳

飾溫為喜曰微將軍迅行電掃幾誤

大事萬曆四十七年己未七月病故

十代祖德榜公天啟五年乙丑二月襲正千戶到任掌印務崇禎五年壬申
四月病故

十代祖伯燧公崇禎七年二月保送赴京撥與羽林前衛所前副千戶邵
進節對比得中雙收蒙兵部奏欽準襲授本衛所世襲正千戶領福
字四千一百七十七號勘合本年八月十一日到任掌印務崇禎九年四月十八
日病故

十代祖伯煥公崇禎十三年庚辰二月襲兄職正千戶十月抱病抵泉郡未
到任而卒